



REPUBLIKA E SHQIPËRISË
Kuvendi

PROJEKT LIGJ

Nr. ____/2019

PËR

DISA NDRYSHIME NË LIGJIN NR.10448, DATË 14.7.2011,
“PËR LEJET E MJEDISIT”, TË NDRYSHUAR

Në mbështetje të neneve 78 dhe 83, pika 1, të Kushtetutës, me propozimin e Këshillit të Ministrave, Kuvendi i Republikës së Shqipërisë

V E N D O S I:

Në ligjin nr.10448, datë 14.7.2011, “Për lejet e mjedisit”, të ndryshuar, bëhen ndryshimet, si më poshtë vijon:

Neni 1

Pika 14, e nenit 3, kreu IV, neni 21, pika 2, e nenit 24, dhe neni 31 shfuqizohen.

Neni 2

Në nenin 4 bëhen këto ndryshime:

1. Paragrafi i parë, i pikës 1, ndryshohet, si më poshtë si vijon:

“1. Në përputhje me ligjin nr.10431, datë 9.6.2011, “Për mbrojtjen e mjedisit”, krijohet një sistem prej dy nivelesh të lejeve të mjedisit, të tipave A e B, si më poshtë:”.

2. Shkronja “c”, e pikës 1, shfuqizohet.

3. Shkronja “ç”, e pikës 2, shfuqizohet.

4. Paragrafi i parë i pikës 3 ndryshohet, si më poshtë si vijon:

“3. Kushtet e lejes së mjedisit të tipave A dhe B rishikohen në çdo kohë nga ministria nëse ka ndryshime në legjislacionin përkatës mjedisor, të cilit ato i përmbahen, dhe në raste kur konstatohet nga autoritetet kompetente, të përcaktuara në pikën 2, të këtij neni, nëse:”.

Neni 3

Kudo në nenin 19, fjalët “... dhe Inspektoratin Shtetëror Kompetent ...” hiqen.

Neni 4

Në nenin 23 bëhen këto ndryshime:

1. Pika 2 shfuqizohet.
2. Në pikat 3 dhe 4, fjalët “... në pikat 1 dhe 2, të këtij neni ...” dhe “... sipas përcaktimit në pikat 1 dhe 2, të këtij neni ...” zëvendësohen me “... në pikën 1, të këtij neni ...”.

Neni 5

Në nenin 25 bëhen ndryshimet, si më poshtë vijon:

1. Pika 3 ndryshohet, me këtë përmbajtje:

“3. Operatori i instalimit i paguan çdo vit një tarifë vjetore ministrisë për instalimet e tipave A dhe B, përkatësisht”.
2. Pika 6 shfuqizohet.

Neni 6

Në nenin 26, fjalët “... agjencia përkatëse rajonale e mjedisit ...” dhe “... ARM-ja ...” hiqen.

Neni 7

Në nenin 27 bëhen këto ndryshime:

1. Titulli ndryshohet në “Shfuqizimi i lejeve të mjedisit të tipave A dhe B”.
2. Fjalja hyrëse ndryshohet, si më poshtë vijon:

“Ministri, për lejet e mjedisit të tipave A dhe B, mund të pezullojë ose t’i shfuqizojë lejen e mjedisit kur:...”.

Neni 8

Në nenin 29 bëhen ndryshimet, si më poshtë vijon:

1. Paragrafët “iii”, të shkronjave “a” dhe “b”, të pikës 1, shfuqizohen.
2. Në pikën 2, fjalët “... agjencia përkatëse rajonale e mjedisit ...” hiqen.
3. Pika 8 ndryshohet, si më poshtë vijon:

“8. Ministri, me propozimin e strukturës përgjegjëse inspektuese në fushën e mjedisit, në rastet kur gjoba nuk është paguar brenda afatit të përcaktuar, vendos pezullimin e lejes përkatëse të mjedisit për të gjithë veprimtarinë ose pjesë të saj deri në pagesën e gjobës. Vendimi i pezullimit publikohet menjëherë në Regjistrin Kombëtar të Licencave, Autorizimeve dhe Lejeve nga Agjencia Kombëtare e Mjedisit dhe i dërgohet zyrtarisht QKB-së.”.

Neni 9

1. Shtojca 1, e ligjit nr.10 448, datë 14.7.2011, “Për lejet e mjedisit”, të ndryshuar, zëvendësohet me shtojcën që i bashkëlidhet këtij ligji dhe është pjesë përbërëse e tij.
2. Kudo në tekstin e ligjit:
 - a) fjalët “... A, B dhe C ...” zëvendësohen me “A dhe B”;
 - b) fjalët “Qendra Kombëtare e Licencimeve” dhe “QKL” zëvendësohen me “Qendra Kombëtare e Biznesit” dhe “QKB”;
 - c) fjalët “... dhe inspektoratin shtetëror kompetent ...” zëvendësohen me “... dhe strukturën përgjegjëse inspektuese në fushën e mjedisit ...”;
 - ç) termi “revokim” zëvendësohet me “shfuqizim”.

Neni 10

Dispozita kalimtare

1. Të gjitha instalimet ekzistuese të tipit C, të cilat, në varësi të kapacitetit referuar shtojcës 1, të këtij ligji, klasifikohen si leje mjedisit të tipit B, aplikojnë pranë Qendrës Kombëtare të Biznesit për t’u pajisur me leje mjedisi të tipit B brenda 12 muajve, nga hyrja në fuqi e ligjit.
2. Të gjitha instalimet e cituara në pikën 1, të këtij neni, vazhdojnë të dorëzojnë raportin për zbatimin e kushteve të lejes së mjedisit të tipit C pranë agjencisë rajonale të mjedisit përkatëse, deri në momentin që do të aplikojnë pranë Qendrës Kombëtare të Biznesit për t’u pajisur me leje mjedisi të tipit B.

3. Të gjitha instalimet ekzistuese të tipit C, të cilat nuk klasifikohen si leje mjedisit të tipit B, sipas pikës 1, të këtij neni, me hyrjen në fuqi të këtij ligji shfuqizohen.
4. Kërkesat e posaçme për shqyrtimin e aplikimeve për leje mjedisi të tipit B, për instalimet e cituara në pikën 1, të këtij neni, si dhe rregullat e hollësishme për shqyrtimin e tyre nga autoritetet kompetente, të përcaktuara në këtë ligj, deri në lëshimin e këtyre lejeve nga QKB-ja do të miratohen me urdhër të ministrit, brenda 1 muaji, nga hyrja në fuqi e këtij ligji.

Neni 11 **Shfuqizime**

Me hyrjen në fuqi të këtij ligji:

- a) çdo parashikim për lejet e mjedisit të tipit C në ligjin nr.162/2014, “Për mbrojtjen e cilësisë së ajrit në mjedis”, dhe e vendimet e Këshillit të Ministrave nr.419, datë 25.6.2014, “Për miratimin e kërkesave të posaçme për shqyrtimin e kërkesave për leje mjedisi të tipave A, B dhe C, për transferimin e lejeve nga një subjekt te tjetri, të kushteve për lejet respektive të mjedisit, si dhe rregullave të hollësishme për shqyrtimin e tyre nga autoritetet kompetente deri në lëshimin e këtyre lejeve nga QKL-ja”, të ndryshuar, nr.417, datë 25.6.2014, “Për miratimin e tarifave të lejeve të mjedisit”, nr.127, datë 11.2.2015, “Për kërkesat për përdorimin në bujqësi të llumrave të ujërave të ndotura”, dhe nr.908, datë 21.12.2016, “Për përcaktimin e masave për kufizimin e shkarkimit të përbërësve organikë të avullueshëm nga përdorimi i tretësve organikë në disa veprimtari dhe instalime”, shfuqizohen;
- b) çdo dispozitë ligjore dhe nënligjore, që vjen në kundërshtim me dispozitat e këtij ligji, shfuqizohet.

Neni 12

Ky ligj hyn në fuqi 15 ditë pas botimit në “Fletoren zyrtare”.

K R Y E T A R I

GRAMOZ RUÇI